

Pola Timotimo tiratna outna timbiŋ rapar Outna kam

Timoti tikca ma Iesusa ripacrena laiplacar ŋgam ian, na ma Listara auŋ aniacnan. Na Listara auŋ aniaca ma Galesiana pitrikca eacrena. Na mana aemma ma Iudanangepta wiwitnan, na mana aetta ma Giriknanta wiwitnan. Na Pola ma Timotimo aŋgia manap Raraŋ Aetaniacna aiŋa mona taŋrina, na Iesusna Up Aŋgirena Ramtairta Aiŋna Nininina Timbigta Kapna sapta 16 wes 1 taŋca wes 3na inikca wat. Na Timoti tikca ma Epesusna Iesusna ritipaikta meikramtairta tumbunna ramoot paŋanna kirar toc ndarurina, aintik Pola manmo gan timbiŋ rapara tirra neaŋga taŋrina.

Na gan timbiŋ raparna outna kambca, ma Timotimo gaindoprina, ma ndomo matau wat, moca ramtair ndeida anna meikramtairta ritipaikca mo ŋgocrai nari. Na an ramtaira mina kabena iro landamŋiarap, na anna gaind, gan tiacarpaikna reikca mina laiŋga wanaiŋ. Aintik ramootta eteacna wat gidikca aŋgina mo te, ma amta reik ndeidmo wandik tiknandet, na ma mba laŋgoitndait.

Na gan timbiŋ raparna kabena kambca gaindoprina, anna mbembendeina tipemb kirarirmo mataua bubuocnanapa, Iesusna ritipaikta meikramtairta tumbunmo mataua bubuocna. Na mandaia Iesusna ritipaikta

meikramtairta tumbunna nginaña mona ramoot pañan ndarunan, co, Iesusna ritipaikta meikramtairta tumbunna aiña ramoot ndarunan, an kamb toco ma mboprinan.

Na gan timbiñ raparna mamamaina kambca ma Timotimo Iesus Karaisna aiña momona ramoot lañ ndeacna kammap. Na an kam toco, ma Timotimo titocna tipemb kirarira Iesusna ritipaikta meikramtairta tumbunna kabe, kabemo mo ndopna kammap.

**Timoti ma ndona tipemb
kirarirmo matau wat, na Iesusna
ritipaikta meikramtairta
tumbun motocmo matau wat**

(1—6)

¹ Aku Pol, Karais Iesusna up anğirena ramoot. Na Rarañ Aetaniaca ai mac nda anğina ramootapa, Karais Iesus, ai mac nda anğina ramoot, aia lambirenan, maniña kam gargar mbuña aukmo gainoprina, “U up anğirena ramoot ian.”

² Na u Timoti, u aukna ritipacna nuoc lañ ngoin, aintik aku umo gan timbiñ rapara tirra neanğa aindopek, aina Rarañ Aetaniacapa, aina Kacoot Karais Iesusna, nenmo kadmaiapa, kakadmaina opotacapa, nena iroar inkarmo, moi wewettaca lañ ndeacnandet.

Aia paparuna kambmo moi irik

³ Na aku tonggorinanna, u Epesus aun aniac ndeac te, aku Masedoniana pitrik inikna auñembmo mbukca taña. Aintik aku umo gagraca mambopek, te, u ramtair ndeidmo u gagraca mbopca, mina paparuna kambca kai ripti teac.

⁴ Na an wanaiña ninirena kamma, ndorita nicar ngamrirta irembta kam ndoprena tipna kirara tikcari. Na an kambca mina iroar inkara moca paurena, na minmo mba otaca mina Rarañ Aetaniacmo mba ripacitndai. Na an reik laiña Rarañ Aetaniaca minmo mo ndoprinanna, mina mba matau lamñi garacitndai.

⁵ Na an aiña Rarañ Aetaniaca aimo mo ndoprinan, anna ma meikramtairmo moca mina Iesusmo gidik ngoinna tongona, te, mina Rarañ Aetaniacna lamniacmo wandon rat ndeacnande. Te, mina lamñinandet, mina Rarañ Aetaniacmo tipemb ngorik kocor. Aintik an tipemb kirarir muruña minmo moca mina kabena meikramtairmo matñinande.

⁶ Ainda moca mina ndeida an tipemb kirarirmo tikcarica, mina an kamma, minij kocortanna ranğairina.

⁷ Na mina ndorimo tipemb wandik tamñirena ramtair ndaruna mori. Aintik mina ndorita mboprena reikta kambapa, ndorita mboprena kambca, mina mba mataua lamñia garacrina.

⁸ Na aia lamñirenan, aia Tip Wandikmo watarica Rarañ Aetaniaca manmo larapacrina

1:3 Gal 1.6, na Pil 2.24 **1:4** 1 Ti 4.7, na 2 Ti 2.14-16, na Ta 1.14
1:5 Ro 13.8-10, na Gal 5.14, na 2 Ti 2.22 **1:7** 1 Ti 6.4, na 6.20,
na Ta 1.10 **1:8** Ro 7.12, na 7.16, na 7.22

aiņa mo te, anna ma reac laņ.

⁹ Na ai toco gaimda lamņirena, Tīp Wandikna aiņa ma meikramtair wandoik laiņ tingiktanna wanaiņ. Na Tīp Wandik toco, ma tīpemb ņgorikta makukara morena meikramtairapa, paņaind garuruarta meikramtairtan, na ma toca Raraņ Aetaniacmo mba ripacrena meikramtairapa, meikramtaira Raraņ Aetaniacmo tīpemb ņgorikca morenanmo, ma minan. Na Tīp Wandik toco, ma Raraņ Aetaniacmo meikramtair wandoik wanaiņapa, reik ratmo peperenanapa, mandaibinna ndorita aem, co, aetta mo menacrinanapa, kabena meikramtairmo pica menacrenanna, an toco ma minan.

¹⁰ Na Tīp Wandik toco, ma an meacramootna kaņtertaapna tīp kirara morenan, na meikramtairtanapa, ramootniņ, co, meacniņa tīp ņgadudukca morena, an toco ma minan. Na Tīp Wandik toco ma tuombta aiņir kamndera morena meikramtairmo oikca aņģica aiņa morena ramtairapa, paparuna kammo ndada mbopca taņrenanapa, kaina tīpemb kirarira ripti laņmo nda ipuņrena meikramtaira, Tīp Wandik toco anna ma minan.

¹¹ Na gan kam gidikca Raraņ Aetaniaca aukmo neaņrina kam wembaņ laņna kirara, aku an wiwitirenan. Na an kam wembaņ laņa aia aindoprina, Raraņ Aetaniaca ma ndona memetacna tac gargar aniacap eacrenan. Na ma tamuņ ņgoin, na aia mana imo memetmbaca aņģi

ņgepraņ.

Pola Raraņ Aetaniacmo kam laņ neaņrina ma manmo kadmairina

¹² Aintik aku, aina Kacoot Karais Iesusmo kam laņ neaņri, ma ripaca lamņirena, aku mana aiņa mona min. Ainda moca ma aukmo an aiņa mona moca aukmo larapacrina. Aintik ma aukmo gargar neaņgatna.

¹³ Na aku ndomo morina reicka aku mba lamņirinan, na aku ritipac kocor. Na ņgaua aku Iesusmo peperena kamb ņgorikca mboprinan, na tip ņgoreaca morinan, na nikkatrina ramoot, na Iesusa ma anna ndamņirina, ma aukmo kakadmaina opotaca morina.

¹⁴ Ainda moca aina Kacoot Iesus Karais, ma aukna moca kakadmai aniacap tik, ma aukmo otaca aku mana ripaca, kabena meikramtairmo matņirena.

¹⁵ Na gan kamma aku mbopeknanna, anna kam gidik ņgoin. Ainda moca meikramtaira muruņa an kammo waraca ripacnandet. Na an kamma gaind, Karais Iesusa, gan tiacarpaikca kipca aimo tipemb ņgorikta makukara morena meikramtairmo mac nda aņņinandet. Na aku kakadmai ņgoin, aku ndona tipemb ņgorikta makukar momoca tamuņ ņgoin, ainda moca aku nemo tipemb ņgorikta makukara momoca nemo outmbaica taņrena ramoot.

1:12 Up 9.15, na Gal 1.15-16 **1:13** Up 3.17, na 8.3, na 9.4-5, na 1 Ko 15.9-10, na Gal 1.13 **1:14** Lk 7.47, na Ro 5.20, na 1 Ko 15.10, na 2 Ti 1.13 **1:15** Lk 15.2, na 19.10, na Ro 5.8, na 1 Ti 3.1, na 4.9, na 2 Ti 2.11, na 1 Io 3.5

¹⁶ Aintik Karais Iesusa ma tongorenanna, meikramtaira gaimda matau lamjina, meikramtaira tipemb ngorikta makukara morenanmo Karaisa ma lananna eaca mina lambirena. Ainda moca ma aukmo out ngoinna, kadmaia opotaca morina. Aintik ne aukmo wat garacna, an reicka ma aukmo morinan, mina watca, mitoco ripaca, iarwarna eteacna wat angina.

¹⁷ Na ma iarwar ndeacrena Gagrirta Ramoot Panan, na aia meikramtaira mammo mba watreana, na ma mba menacrena. Ma ndo kabe ngoinna Raraŋ Aetaniac. Aintik aia muruŋa memetmbaca iarwara mana i aniac angica ngepraŋ te, mammo out ngoinna tikraŋnande. Anna gidik.

Timoti ma gagara ruŋca tipemb ngorikta makukara mo irik

¹⁸ Na aukna nuoc Timoti, gan mimitpacna kamma, aku umo neaŋgeknanna, anna mina ngaua, unmo rambca morina tipna kirarna moca moatna. Te, u mina raŋgai te, u runduŋ laŋa moca tipemb ngorikta makukara moi iriknandet.

¹⁹ Aintik u Iesusmo matau ripac, na u lamjirena, u Raraŋ Aetaniacmo makukar kocor. Na ramtair ndeida anna raŋgaina kariri, ainda moca mina ritipaca lanŋumma waut nagaca ngocrairina kirar toc.

1:17 Dan 7.14, na In 1.18, na Ro 16.27, na Ib 11.27, na 1 Io 4.12

1:18 1 Ti 6.12, na Iu 1.3 **1:19** 1 Ti 3.9, na 6.9

²⁰ Na mina ndeida ainda morinanna, anna Eimeneusapa, Aleksander. Aintik aku maniņmo Ramoot Mbikna para tikrinan, te, maniņa iro laņ aņgica, Raraņ Aetaniacmo peperena kam ņgoreaca mba mbopitndai.

2

Aia mbendeia Raraņ Aetaniacmo digica ma meikramtairmo muruņa otacna

¹ Ainda moca reac lacaua, u monanna anna gaind. U meikramtairmo mbopca mina muruņa Raraņ Aetaniacmo mbendeica manmo kam laņ neaņgarica manmo meikramtair ņgotacna digi. Na manmo opotac laņ neaņna mbendei.

² Na mina Raraņ Aetaniacmo mbendeica ma gagrirta ramtair paņaindapa, ramtair paņaindmo otac. Te, aia muruņa eteac laņ ndeacnandet. Na aia nikinik iro kabe niņgik ndeac, te, Raraņ Aetaniacna tongorena tipemb kirarirmo aia an ņgoinna raņgaica eacraņ.

³ Na ainta mbembendeia ma Raraņ Aetaniacna lamniac ņgoutta laņ. Na ma aimo mac nda aņgina Ramoot, na ainta mbembendeia ma tongorenan.

⁴ Na ma meikramtairmo muruņcamiņa mac nda aņginandet, te, mina kam gidikna miniņa matau lamņinandet.

1:20 1 Ko 5.5, na 2 Ti 2.17-18, na 4.14-15 **2:1** Ier 29.7, na Esi 6.10, na Ro 13.1, na Epe 6.18, na Pil 4.6 **2:4** Esi 18.23, na In 3.16-17, na 17.3, na 1 Ti 4.10, na 2 Ti 2.25, na 2 Pi 3.9

⁵ Na aia lamñirenan, Rarañ Aetaniac kabe niñgikca ndo eacrenan. Na Rarañ Aetaniacapa, meikramtairta rikca witikca eacrena ramoot kabe niñgik eacrena, na an ramootta anna Karais Iesus.

⁶ Na Rarañ Aetaniaca larapacrina kidrik ndaru te, Karaisa ma ndona watnan kecariri, ma meikramtairmo muruñcamiña mac oiknandet. Na an taup mbuña Rarañ Aetaniaca aimo wandacrenan, na ma tonjgorinanna ma meikramtairmo muruña mac nda aņgina.

⁷ Ainda moca ma aukmo larapacrina, na mana up aņgirena ramoot ian ndaruca, mana kammo wiwitina. Na ma aukmo ririptina aiñ neaņrinan, te, aku Iudana meikramtair wanaiņmo, kam gidikapa, ritipacna kam riptina. Na aku kam gidikca mboprena, aku mba parurenan.

⁸ Aintik aku tonjgorenanna, ramtaira mben-deina mo te, mina kai ipuñ teac, na ndorimo wandonj rat ndeac te, Rarañ Aetaniacmo par gaca, mammo mbendei.

Meikpitikta lamboir laiņa, anna aiñ laņa morena tipna kirar

⁹ Na aku tonjgorenanna, meikpitikca ndorita minna lamboir laiñ tiņgik aoc. Na mina kai kun teac, na kituknduk aniacna lamboirta reik, co, karorerpaik laiņta lamboir, co, ndorita paņaindta lakoara kai lanap teac.

2:5 Ro 3.29-30, na Gal 3.20, na Ib 8.6, na 9.15, na 12.24 **2:6** Mt 20.28, na 1 Ko 1.6, na Gal 1.4, na Epe 1.7-9, na 2 Te 1.10, na Ta 1.3 **2:7** Up 9.15, na Gal 1.16, na 2.7-8, na Epe 3.7-8, na 2 Ti 1.11

2:8 Ais 1.15, na Mal 1.11, na In 4.21 **2:9** 1 Pi 3.3-5

¹⁰ Na meikpitikca Raraŋ Aetaniacna kamma raŋgairænanna, mina anna mo te, mina ainjir lainŋa mo, anna ndo mina lamboira wandacnandet.

¹¹ Te, mina ndorimo tamuŋa kai tik teac, mina laŋan wetwet ndeac te, Raraŋ Aetaniacna kam mbarac.

¹² Aında moca aku meikpitikmo mba watacarica, mina ramtairpitikmo, paŋanmbaia mba taŋrena, co, ramtairmo Raraŋ Aetaniacna kammo mba riptirinanna, wanaiŋ. Aku minmo wattacarica mina laŋan wetwet ndeaca kambmo kai kunni mbop teac.

¹³ Na ne warac, Raraŋ Aetaniac, ma Adammo outta moatna, iŋmbaia ma Iba moatna.

¹⁴ Na Ramoot Mbikca Ibmo outta paruri, na Iba tip ŋgoreacna makukca moatna. Na ma Adammo mba paruatke, wanaiŋ.

¹⁵ Na meikpitikta opotaca, mina moonnuoca mir te, an mbuŋa anna ndo minmo otacnandet. Na mina Karaismo memetmbaca ripacraŋ te, mina ndorita iroar laiŋ neaŋga, mina ratar teac te, kabena meikramtairmo matŋi te, Raraŋ Aetaniaca minmo mac nda aŋginandet.

3

Iesusna ritipaikta meikramtairta tumbunna ŋginanna aiŋa mona ramtaira mina tipemb kirarir laiŋ tiŋgikca raŋgairan

¹ Na gan kamma aku mbopeknanna, anna kam

2:10 1 Ti 5.10 **2:12** 1 Ko 14.34 **2:13** RL 2.7, na 2.21-22, na 1 Ko 11.8-9 **2:14** RL 3.1-6, na 2 Ko 11.3 **3:1** Up 20.28, na Epe 4.12, na Pil 1.1, na 1 Ti 1.15

gidik ngoin. Na ramoot ianna Iesusna ritipaikta meikramtairta tumbunna nginaɲna aiɲa mona toɲtoɲ aniacap te, ma aiɲ laɲa tongorena.

² Na gan tipapna kirarna ramoot, ma Iesusna ritipaikta meikramtairta tumbunna nginaɲna aiɲa mona min. Na ma tipemb ngorikca mo ngocorta ramoot, na ma meac kabeapna ramoot, na nikca mba tawi katrenan, na ma eteac laɲapa iro laɲna ramoot, na tip laɲna kirara morena ramoot, na Raraɲ Aetaniacna kammo meikramtairmo matau riptina minna ramoot.

³ Na ma puk gargara mba ammi ɲaɲaorena ramoot, na ma nikca mba tawi owairena ramoot, na ma mba ruɲrena ramoot, na ma kitukndukna toɲtoɲ aniacna mba morena ramoot.

⁴ Na ma ndona kacnimnanapa, mana meacapa, mombonikmo matau raupɲirena, na mana mombonikca mana kam mbaraca raɲgairena.

⁵ Na ramootta ndona meacapa, mombonikmo matau raupɲi ngocor te, ma Iesusna ritipaikta meikramtairta tumbunna aiɲ aɲɲi mona minna wanaiɲ.

⁶ Na mandeba riɲpacrena ramoot, ma an aiɲa mba aɲɲitndai, moca ma paɲan gargar ndaru nari, te, an ritri waparaca Raraɲ Aetaniaca Paparuna Ramootta morinanna, ma mammo toco aɲnda monande.

⁷ Na riɲpac ngocorta raekmbaina tumbunna meikramtaira mina wat te, ma i laɲapa, tipemb kirarir laɲɲapna ramoot, ma ndo an aiɲa mona min. Na ma an iremb kocor, na tipemb kirarir

lainj kocor, te, meikramtaira mamo kam ngorik ndopnandet, na ma Paparuna Ramootna weanja mbuknandet.

Iesusna ritipaikta meikramtairta tumbuna aiņa morena ramtaira tipemb lainja rangairan

⁸ Na an kirar toco, ramootta Iesusna ritipaikta meikramtairta tumbunna, aiņa mona ramoot ndaru te, ma tipemb ngorikca mba morena ramoot, na kirpaina mimna ramootta wanaiņ, na puk gargar mba amba njaorena ramoot, na kitukndukna tonjon aniaca mba morena ramoot.

⁹ Na mina Raranj Aetaniaca, aimo wandacatna, kam wembanj laņa ripaca matau utiņa, Raranj Aetaniacna lamniacmo tipemb ngorik kocor.

¹⁰ Na minmo pac towaia wat, mina an aiņa mona min te, minmo an aiņ neanča mina mo.

¹¹ Na an kirar kabea mina meikpitik toca, mina ainda mo, mina tipemb ngorikca mba morena meik, na kamma tamtamma kai ndonjonja kai rapac tanj teac, na puk gargara mba amba njaorena meik, na mina mataua lajan ndeaca, ndorita aiņira wandoikca moran.

¹² Na Iesusna ritipaikta meikramtairta tumbunna aiņa mona ramoot, ma meac kabe ningik langgo, na ma ndona mombonikmo matau raupņirena ramoot, na ma ndona kacnimnan motocmo, matau raupņirena.

¹³ Na Iesusna ritipaikta meikramtairta tumbunna aiņa morena ramtair, mina aiņir lainja mo te, mina iremb lainj anģinandet. Na mina

Karais Iesusna ritipacna kamma mba wiwiti nake, mba rugutta mba moitndai.

Raraŋ Aetaniacna tipemb kirarirta kamna miniŋa, anna reac aniac ŋgoin

¹⁴⁻¹⁵ Ainda moca aku umo tawi kipca watna tongorena. Na reac ianna aukmo moca aku tawi kip ŋgocor ndacari te, u gan timbiŋ rapara aku tirca neaŋga kipeknanna, u anna watca u lamŋinandet. Ainda moca Raraŋ Aetaniacna tipemb kirarir laiŋga aia mana meikramtaira anna raŋgairan Janet. Na aia Raraŋ Aetaniacna wiwitnan, aia Raraŋ Aetaniaca memetmbaca eacrena Iesusna ritipaikta meikramtairta tumbunnan, na an Iesusna ritipaikta meikramtairta tumbuna anna ma kacna wit gargara kam gidikca mbukca eacrenan toc.

¹⁶ Na aia matau lamjirena, Raraŋ Aetaniacna tipemb kirarirta kam miniŋa anna reac aniac ŋgoin. Na an kamma Raraŋ Aetaniaca aimo wandacrenanna gaind,

Ma ramootna kirara laruca eacri,
meikramtaira mamu watri.

Na Njeron Ratta mana tipna kirar wandonjo
wandacrina,
ma wandonj ŋgoin,
na Raraŋ Aetaniacna mbaiŋna aiŋa morena
nerŋgaura mamu watri.

Na meikramtaira mana kammo

3:14-15 Epe 2.19-22, na 2 Ti 2.20 **3:16** Mk 16.19, na In 1.14, na 16.8-9, na 1 Pi 1.12, na 3.18

gan tiacarpaikna pitrik wajna
meikramtairmo wiwiritiran,
ri, gan tiacarpaiknanda maripacat.
Na Raraŋ Aetaniaca mamō tamuŋna auŋ
naaŋgica gaca,
ma memetacapa i aniac maanŋiat.

4

Paparuna ririptiara meikramtairta iroara moi paurirena

¹ Na Ŋeroŋ Rat, ma wandoŋ ŋgoinna mataua mambopat, oit ianna min mbuŋa, meikramtair ndeida mina ndorita ritipaikca, mba mac utiŋga gagraca eacitndait. Mina an paparuna ŋerŋgaurta kambca waracnandet, na mirpembraraŋta riptia ranŋainandet.

² Na ainta ririptiar, mina kirpaina mim mbuŋa meikramtairmo an paparuna kambca ripti mboŋnande. Te, an meikramtairta iroara moi paurinandet, te, mina ndori puŋga morina tipemb ŋgoriktake, mba garacitndait.

³ Na an meikramtaira, mina meikramtairmo wandik tikca, mina mba lanŋoitndai. Na mina Raraŋ Aetaniaca moca tikrina amta reikmo mba aŋgica amitndait. An reikca ma ndo morinanna, na aia mana ripacrena meikramtaira mana kam gidik ndamŋirenanmo, an reik aŋgica am te, manmo kam laŋ neaŋna.

4:1 2 Ti 3.1, na 1 Pi 1.20, na 2 Pi 2.1, na 3.3, na 1 Io 2.18, na Iu 1.18, na KIEK 9.20, na 16.14 **4:3** RL 9.3, na Ro 14.6, na 1 Ko 8.8, na 10.30-31, na Kol 2.20-21, na Ib 13.4

⁴ Aintik aia lamñirena, Rarañ Aetaniaca morina reikca mina muruñja lainj tingik, na aia ngoreaca kai mbop teac, aia mamó mbendeica kam lañ neañga añgi ñingik.

⁵ Aında moca aina mbembendeiapa, Rarañ Aetaniacna kamb, an amta reikca moca mina muruñja Rarañ Aetaniacna lamniac ngoutta, rat malaruat.

Timotia ma Karaisna aiña mona ramoot lañ ndeacna

⁶ Na Timoti, u an kammo Iesusa ripacrena laiplacarmo ripti mbop te, u Karais Iesusna aiña morena ramoot wandonj ndeacnandet. Te, aia ripacatna kammapa landamñiar lainjga añgica ranğairenanna, u anna gargar aniac añginandet.

⁷ Na u an miniñ kocorta nininiarmo in neañ, na meikramtaira riptia mboprena kamb ngorikcapa ñañjaorena kambmo in neañ. Na u Rarañ Aetaniacna tipemb kirarirta moca u anna ripti matau añgi.

⁸ Na u lamñirenanna, aia ndorita tikembca moi gagranan, na aia memetmbaca ndorita tikembmo matau moi kocrorena aiña morañ te, anna aimo emtemma otacnandet. Na aia Rarañ Aetaniacna tipemb kirarira moi gagrana mo te, ma aimo opotac aniac ngoinna neañnandet. Te, ma aimo, inmbaina iarwarna eteacna watapa, mandeaca aia eacrena watmo otacnandet.

4:4 RL 1.31, na Up 10.15, na Ro 14.14, na 14.20, na 1 Ko 10.25, na Ta 1.15 **4:7** 1 Ti 1.4, na 6.20, na 2 Ti 2.16, na 2.23, na Ib 5.14
4:8 Ñap 37.4, na Mt 6.33, na Ro 8.28, na Kol 2.23, na 1 Ti 6.6

⁹ Na gan kamma anna gidik gidik ngoin, meikramtaira muruŋcamiŋa waraca ripacnandet.

¹⁰ Anna moca aia aiŋir anikca moca Raraŋ Aetaniaca ripacatna, ma iarwarna eteacna wat-apna Raraŋ Aetaniac, ma meikramtairmo muruŋ mac nda aŋgina ramoot, an meikramtaira man ngoinna ripacrenanna, ma aimo mac nda aŋginandet. Aintik aia man ngoinna ripacrenan, na aia lambia, ma aimo tipemb kirarir laiŋga mataua morenan. Ainda moca aia memetmbaca aiŋir anikca morenan.

¹¹ Ainda moca u gan kammo meikramtairmo gagra mbopi warac, na minmo gan reikmo riptica mbopi warac, te, mina ranŋaina.

¹² Te, minmo kai watcarica, mina unmo moi irikca aindopna, u nuoc ngam ngoin. Ainda moca u an ripacrena meikramtairmo, gaimda wandaca mina wat, una kam ndondop laiŋ punŋa, na una eteac, na una mamatŋi, na una ndiarna tip, na una ritipacapa, una Raraŋ Aetaniacna lamniac ngout ndeacrena tipemb kirarir wandoik laiŋga, u minmo wandac.

¹³ Na aku umo kip ngocor te, u meikramtairmo Raraŋ Aetaniacna Timbigta Kapmo watca, minmo an kamna miniŋmo Raraŋ Aetaniaca tongorenanna, minmo an wiwitica ripti mbop.

¹⁴ Aintik u kai ŋate teac, an kakadmaina opotac aŋgi meraca eac te, an kakadmaina opotaca Raraŋ Aetaniaca umo wanaiŋa

4:9 1 Ti 1.15 **4:10** Ŋap 36.6, na 1 Ko 4.11-12, na 1 Ti 2.3-4
4:12 1 Ko 16.11, na Ta 2.7, na 2.15, na 1 Pi 5.3 **4:14** Up 6.6, na 8.17, na 13.3, na 19.6, na 1 Ti 1.18, na 2 Ti 1.6

neanrina. An kakadmaina opotaca ma Iesusna ritipaikta meikramtairta tumbunna, ramtair pañaindta para tikca, mina ndorita pairmo una pañanna tikatke, una tipemb kirarirmo rambca moca mboprinan.

¹⁵ Aintik memetmbaca u ndona ainjmo matau wat. Na u ainjirmo muruñ ngoinna matau mo, te, meikramtaira an una tipemb kirarir wandoikca watna.

¹⁶ Na u ndona tipemb kirarirmo, matau wat, na an ainjir toco, u meikramtaira riptirenanmo, matau wat. Na u anna moi gagra te, una ainj mbuñ, Rarañ Aetaniaca un mac nda anjĩ te, an meikramtaira una kamb mbaracrenan toco, ma minmo mac nda anjinandet.

5

Timotia meikramtairmo ndona racaindpaiknan toca raupñi

¹ Na u ramtair bagrarmo kai latik teac, u minmo lañan wetwet ndop, na an tipna kirara u ndona aetta morenan, u min motocmo, ainda mo. Na an tipemb kirarir kabemo, u nuik ngaibmo, u ndona laiplacara morena tipemb kirarirmo, min motoco an tipemb kirarira mo.

² Na an tipemb kirarir motoco, u ndona aemma morenan, u meik bagrarmo ainda mo. Na Rarañ Aetaniacna lamniac ngoutmo, u mombour ngaibmo, an tipemb kirarir lainga, u ndona mbica morena tipna kirara, u min motoco ainda mo.

Pola Timotimo aindoprina, mandaia ndo meik koinmbarmo raupņina

³ Na meac konimma reik kocor te, u manmo matau bubuoca raupņi.

⁴ Na meac konimma mombonikapa, rimbnapnan te, out ņgoinna an mombonikapa rimbna gaid ndamņi, mina ritipaikca towai tikca ndorita racaindpaikmo raupņi, te, an tipembta kirarira mina ndorita aemeraterapa, nicarmo otacrenan, na an tipna kirara Raraņ Aetaniaca tonjorenan.

⁵ Ainda moca meac konimma ndo kabe ņgoinna eacrenanna, ma gaida mo, ma ndona ritipacmo Raraņ Aetaniacna para tikca, na ma mouņapa raap memetmbaca ma mbendeiraņ, na manmo ndo ņgotacna digiraņ.

⁶ Na meac konimma ndona tikna tonjona ranģaica eacrenan, an meaca ma Raraņ Aetaniacna lamniaca ma menaca eacrena meacna kirar toc.

⁷ Aintik u minmo gan kam toco neaņ. Na mina tipemb kirarir laingā mo te, meikramtaira minmo kamb ņgorikca mba mbopitndait.

⁸ Na mandaia ma ndona racaindpaikapa, mana aemmapa, aetmo otac ņgocor, ma ndona ritipaca ma kecamariri, na ma ņgoreac ņgoin. Na Raraņ Aetaniacmo ripac ņgocorta meikramtaira, mina ainta tipemb kirarir ņgorikca, mba morenan.

⁹ Na meac konimma 60na minna iarira wanaiņ te, mana ia an meik koinmbarta irembap kai tik

5:4 Mt 15.4, na Epe 6.1-2, na 1 Ti 2.3 5:5 Lk 2.37, na 18.1, na 18.7, na Up 26.7, na 1 Ko 7.32 5:8 Ais 58.7, na Mt 18.17, na Gal 6.10, na Ta 1.16

teac, u 60na minnan niŋgikca tik. Na ma ramoot, kabe niŋgikca lanƣoca menaca eacrena meac.*

¹⁰ Na ma tipemb kirarir lanƣa morena iap nameac. Ma ndona mombonikmo mataua raupŋirenan, na ndiarna tip kirara morenan, na mina taup tawannan kip te, amna reac neanƣabrena. Na ma Raraŋ Aetaniacna meikramtairta ortimbikniŋna tiacar tukirena, na makukapnanmo otacrena, na kabena ainta aiŋir lanƣa morena.

¹¹ Na an meik koinmbar ŋgaibmo, u mina irembca kai aŋgi teac, iŋmbaia mina lanƣona tonƣonƣar ŋgep te, mina lanƣo te, mina Karaismo iŋ neaŋnandet.

¹² Na an tipembta kirarira mina out ŋgoinna Raraŋ Aetaniacap ndorita kamb leacatnanna, mina an titac te, mina ndorimo makukar maneaŋgek.

¹³ Na reac ian toco, mina morenanna, mina aiŋira momona ŋate te, mina ŋgepca kac kaca, tumbaia taŋraŋnandet. Na mina kambmo ndoŋndoŋ rapaci mbopi taŋraŋ te, kabena meikramtairmo iŋmbai ndopraŋnandet. Ainda moca mina mboprena kamb wit anikca aia mbopna toawanaiŋ, an kambca wandoikca wanaiŋ.

* **5:9** Na aia mba lamŋiri, kaina moca mina an meik koinmbarta iremb aŋgirina. Landamŋina ramtair ndeida gaind ndamŋirina, an meik koinmbara, mina kamb leacatna, mina Raraŋ Aetaniac niŋgikna aiŋ moranŋande, na mina mba mac lanƣoitndai. Ainda moca Iesusa ripacrena laiplacara an kamb leacatna, te mina meikta iremb aŋgica mina minmo gagamna amta reikca otacrena. **5:10** Ib 13.2 **5:13** 2 Te 3.11

¹⁴ Ainda moca aku gaind ndamñirena, an meik koinmbar ñgaibmo wattacarica mina langoca, mombonikca mirca, ndorita kacnimnanmo raupñina. Na mina ainda mo te, puñnangepta ianna min morena tipemb kirarira watca, aimo kamb ñgorikca mba mbopitndai.

¹⁵ Na u lamñirena, mina ndeida taup lañmo tikcarica, mina Ramoot Mbikca marañgaiek.

¹⁶ Na ripacrena meaca, ma ndona racaindpaikna meik koinmbarap eac te, ma ndo minmo raupña otacnande, te, Iesusna ritipaikta meikramtairta tumbunmo makukca mba nearñitndai. Ainda mo te, Iesusna ritipaikta meikramtairta tumbunna meikca, an meik koinmbara reik kocortanmo otacna.

Iesusna ritipaikta meikramtairta tumbunna ñginaña ramtair pañaindmo aia minmo matau raupñirañ

¹⁷ Na an Iesusna ritipaikta meikramtairta tumbunna ñginaña morena ramtair pañainda, mandaibinna wiwitirenanapa, riptina aiñ ñgoinna morena ramtairmo, wattacarica mina iremb anikapa opoik anik añgina.

¹⁸ Na aia lamñirena, Rarañ Aetaniacna timbigta kapca gaindopatna, “Aia bulmakaoa, witna louna lapea mo kecarina aiña morinanmo, mana upa kai tamai teac.” Na aia lamñirena, “Aiña morena ramtaira mina ndorita aiñirta opoikca mina añgirena.” ¹⁹ Na ramoot ianna gaindop te, “Iesusna ritipaikta meikramtairta

tumbunna ṅginaṅa morena ramoot paṅanna tip ṅgoreacna makukca mo te,” u ramoot kabe mbopekna kamma kai warac teac, ramoot mbuniṅ co, mbonkac mbop te, u mina kamb mbarac.

²⁰ Na Iesusna ritipaikta meikramtairta tumbunna ṅginaṅa morena ramtair paṅainda, mandaibinna tipemb ṅgorikta makukara morañ te, minmo aṅṅica meikramtairta outta tikca, minmo latik te, meikramtaira anna watca nanambinandet.

Timotia ma ndona tipembta kirarirmo matau raupṅiraṅ

²¹ Na Timoti, aku unmo wandonṅ ṅgoin mambopek, u Raraṅ Aetaniacapa, Karais Iesusapa, Raraṅ Aetaniacna mbaiṅna aiṅa morena ṅerṅgaurta lamnikmo, aku unmo neaṅrina kambmo, matau raupṅi. Te, u kabena meikramtairmo tipemb kirarir lainṅa morañ. Na u, mina ndeidmo tipemb kirarira lainṅa kai kunni, mo teac.

²² Na u ramootmo kai tawina larapaca Raraṅ Aetaniacna aiṅa mona mo teac, u ndona parmo mana paṅanna kai tawi tik teac. Moca kabena ramootna tipemb ṅgorikta makukara u manap aṅṅinandet. U ndomo matau raupṅi, na Raraṅ Aetaniacna lamniacmo wandonṅ rat ndeac.

²³ Na u an puk kabi gagamna tipna kirarmo, tikcarica u wainna puk emtem am te, ma una

5:20 TW 13.11, na Gal 2.11, na 2.14, na Epe 5.11, na Ta 1.13

5:21 1 Ti 6.13, na 2 Ti 2.14, na 4.1 5:22 Up 6.6, na 13.3, na 1 Ti 4.14, na 2 Io 1.11

nikinikna roumbca, unmo memetmbaca larurenanmo, mo kecarinande.

²⁴ Na meikramtair ndeidta, tipemb ngorikta makukara mina raekca larunande, te, an tipemb ngorikta makukara mina outta tanca ritri waparcna taupca larunandet. Na ramtair ndeida, mina tipemb ngorikta makukara ingorooca eacrenanna, inmbaia mina raekca larunandet.

²⁵ Na an tipna kirar mbuņa, an tipemb lainņa laruca raekca tiknandet. Na tipemb lainņa tawi laruca raek ndeac ngocor te, mitoco mba ingorooca eacitndait.

6

Tuombta aiņir kamnderta ramtaira tipemb kirarir laiņ tinņikca mo

¹ Na tuombta aiņir kamndera morena ramtair, mina ndorita ramtair paņaindmo torica, mina kaņgaukca eacraņnandet. Te, meikramtaira Raraņ Aetaniacna imo kam ngoreaca mba mbopitndai. Na aina riptirena kam motocmo peperena kam ngoreaca mba mbopitndai.

² Na tuombta aiņir kamndera morena ramoot paņan, ma Iesusa ripacrena laiplacarta ian ndaru te, mina manmo kai torica ņate teac, ma ande aina kaka ngoin. Aintik mina mana aiņa mataui mo, man mbuņa mina eteac laņ aņņinandet, na mina manmo matņi. Na an reikmo u meikramtairmo muruņa matau gagra ripti.

6:1 Ro 2.24, na Epe 6.5, na Kol 3.22, na Ta 2.5, na 2.8-9, na 1 Pi 2.18 **6:2** Kol 4.1, na 1 Ti 4.11, na Pm 1.16

Paparuna riptina kammapa, kitukndukca matjirenanna anna tip kirar ngoreacna miniņ ngoin

³ Na aina Kacoot Iesus Karaisna kambca ma aimo Raraņ Aetaniacna tipemb kirarir lainmo riptirena. Na ramoot ianna an tikcari te, ma Iesusna kambta kirara wanaiņa meikramtairmo kabena kambmo ripti te,

⁴ na aia lamņinandet, an ramootta ma ndona tipemb kirarirmo toņton ngoin. Aintik ma paņan gargar, na ma reac ianna mba lamņirenan. Mana iroa ma reikmo kam mbuņa mbopca gagrarenan, na iptipuņa iroap, na kam mbuņa ipuņrena. An kamma meikramtairmo moca mina nikkatrena, na ipuņrena, na kabena meikramtairmo peperena kam ngoreac ndoprenan, na kabena meikramtairmo iro ngoreacap eacrena.

⁵ Ainda moca memetmbaca mina kam mbuņa ipuņrena. Na ainta ramtairta iroara, kocnaia ņaņaorina, aintik mina kam gidikca mba lamņirenanna. Mina Raraņ Aetaniacna tipemb kirarirmo, reik aņģirena taup ndoprena.

⁶ Na aia Raraņ Aetaniacna tipemb kirarira raņgai te, ma aimo neaņrena reikca aia toņgonandet. Te, aia reik witta aņģinandet.

⁷ Na aia lamņirena, aina aemera aimo mirrina, aia gan tiacarpaikmo reac ianna mba aņģi

6:3 Gal 1.6-9, na 2 Ti 1.13 **6:4** 1 Ko 8.2, na 1 Ti 1.4, na 1.7, na 2 Ti 2.23, na Ta 3.9 **6:5** 1 Ko 11.16, na 2 Ti 3.8, na 4.4, na Ta 1.11, na 1.14, na 2 Pi 2.3 **6:6** ņap 37.16, na ML 15.16, na Pil 4.11-12, na 1 Ti 4.8, na Ib 13.5 **6:7** Iop 1.21, na ņap 49.17, na ML 27.24, na LR 5.15

kìprinan, na aia gan tiacarpaikmo tikcarica tan te, aia reac ianna mba anđi tanitndai.

⁸ Na aia amta reikapa, tik ngapoikta lamboirap te, aia gaindopnandet, “Anna aimo min.”

⁹ Aintik meikramtaira lamin aniaca tongorenanna, totowaira kipca, minmo towaica mina anna irik te, mina ande nđoaemma weađa mbukca eacrena kirar toc. Te, mina iroar inkara moca mina nđepca reik nđorikca monandet. Te, anna ndo minmo moi iroar paurinande. Na an tipna kirar mbuđa minmo moca mina nđocrainandet.

¹⁰ Ainda moca kitukndukar matnjirenanna, anna ndo tipemb nđorikta makukar witna mininđ. Aintik ramtair ndeida kitukndukca matnjirenanna, an tipemb kirarir puđa mina nđađaoca ndorita ritipaikmo, kecamacariri. Na mina makukar anikca mbukranande.

U paňpaiňa oot te, u iarwarna eteacna wat anđinandet

¹¹ Na u Raraň Aetaniacna ramoot, u an reikta moa kípcarica, na u gan reikca ranđai, u ramoot wandođa eaca, u Raraň Aetaniacna tipca matau ranđaia, na u Raraň Aetaniacmo matau ripac, na kabena meikramtairmo matau matnji, na una ritipaca moi gagraca eac, na kabena meikramtairmo iro wetwet neaň.

¹² Te, u ndona ritipacna moca, runduň laňa ruň. Na u ndona iarwarna eteacna watmo

6:8 ML 30.8, na Ib 13.5 **6:9** ML 23.4, na 28.22, na Mt 13.22, na 1 Ti 1.19, na 3.7, na Ie 5.1 **6:10** NA 23.8, na TW 16.19, na Epe 5.5 **6:11** 2 Ti 2.22 **6:12** 1 Ko 9.25-26, na 1 Ti 1.18, na 2 Ti 4.7

u matau utiņ, anna moca, umo acatna, u meikramtair witta lamnik ņgoutta, tikca u ndo Raraņ Aetaniaca riġpacatna kam ndopatna.

¹³⁻¹⁴ Na reikmo muruņa wat neaņrena Raraņ Aetaniacna lamniacapa, Karais Iesusna lamniacmo, ma gagraca witikca Pontius Pailatmo kambmo wiwitirenanna, aku unmo gagraca aindopek. U an aņġiatna kambmo matau raņgai. Na an kambmo kai mo pauri teac, na reac ianna kai moca meikramtaira anmo kamb ņgorik topnandet. Wanaiņ. U anmo matau raņgaia taņca aina Kacoot Iesus Karaisa raekca laruna.

¹⁵ Taņca aina Raraņ Aetaniaca larapacrina ra laru te. Na Raraņ Aetaniac, ma tongorena tipemb kirarira ma anna miniņ. Na ma ndo kabea reikmo muruņa bubuocrena ramoot. Ma gagrirta ramtair paņaindta Gagrirta Ramoot Paņan, na ma kacootarta Kacoot Paņan,

¹⁶ na ma mba menacrenan, na ma memetac aniacap eacrenan, na ramoot ianna manmo mba watri, na mammo watna minna wanaiņ. Aintik aia muruņa mana i aniacmo aņġi ņgepraņ, na mana gargara iarwara eacraņnandet. Anna gidik.

Meikramtaira lamin wit aniacap, mina Raraņ Aetaniacmo riġpaca, kabena meikramtairmo otac

¹⁷ Gan tiacarpaikna lamin aniacapna meikramtairmo, u minmo matau mbopi gagraca,

6:13-14 In 5.21, na 18.36-37, na 19.11, na Pil 1.6, na 1.10, na 1 Te 3.13, na 5.23, na 1 Ti 5.21, na KIEK 1.5 **6:15** TW 10.17, na 1 Ti 1.11, na 1.17, na KIEK 17.14, na 19.16 **6:16** NA 33.20, na In 6.46, na Pil 4.20, na Iu 1.25 **6:17** ņap 62.10, na Mk 10.24, na Lk 12.20-21, na 1 Te 1.9

mina ndorita irembmo, tamuņa kai anęi ga teac. Na mina ndorita lamin aniacna moca kai ripac teac, anna ma memetmbaca mba eacitndai. Mina Raraņ Aetaniacmo ndorita ritipaik tik te, ma ndo aina toņtongarta landamņiarta reikca ma neaņnandet.

¹⁸ Na minmo matau mbopi gagraca, mina tipemb kirarir laiņga moraņ, na meikramtaira reikņgocortanmo otac, na ndorita reikmo biņai.

¹⁹ Na mina aında mo te, iņmbaia minņgopotacna reikwit aniacna, mina anęi wembacnandet. Na mina an kipekna iarwarna eteacna watta, mina anmo anęica utiņnandet.

Timoti, ma ndona aiņmo matau raupņi

²⁰ Na Timoti, an reacna mina una para tikrinanmo u matau raupņi. Na an kambca miniņ kocortanna, u anmo iņ neaņ, na meikramtaira Raraņ Aetaniacna kammo ranęaiņgocortanmo u mina kambca kai warac teac. Na an meikramtaira ndorimo gainda morena, mina landamņi laiņgap nandmo u minmo tawan ndeac. Na mina kam kambca muruņa ipuņa mbopreke, mina Raraņ Aetaniacna riptimo ndarena.

²¹ Aında moca ramtair ndeida an landamņia ranęaia, mina ritipacna iroar aņtangiņa mina mandarekrekeri.

Na Raraņ Aetaniacna kakadmaina opotaca ne- nap eacnandet.

6:18 Ro 12.13, na Ta 3.8, na Ib 13.16, na Ie 2.5 **6:19** Mt 6.19-20 **6:20** 1 Ti 4.6-7, na 2 Ti 1.14, na 2.14, na Ta 1.9, na KIEK 3.3 **6:21** 1 Ti 1.16, na 1.19, na 2 Ti 2.18

**Raraŋ Aetaniacna Kam Wemban Lan
New Testament in Mborena Kam language
Nupela Testamen long tokples Mborena Kam long
Niugini**

copyright © 2016 Pioneer Bible Translators

Language: Borei

Translation by: Pioneer Bible Translators

© Pioneer Bible Translators Association of Papua New Guinea, Inc.; © Pioneer Bible Translators of Dallas, Texas, USA

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

PDF generated using Haiola and XeLaTeX on 18 Apr 2025 from source files dated 29 Jan 2022

8e1073ed-d2dc-5f3a-bb48-5406185123a7